



BNG-A.A Vedra

## Moción para mantemento das oficinas de correos nos concellos de Boqueixón e Vedra.

### ÍNDICE:

#### Análise da situación.

#### Acordo Plenario.

#### ANEXO I

---

#### Análise da Situación:

1. O 29 de Xullo de 2016, aprobouse na Deputación de A Coruña, có voto favorable de todos os partidos representados na mesma, unha **“Declaración institucional sobre a defensa do Reparto Postal nas áreas rurais na Provincia de A Coruña”**.

Neste documento declárase, entre outros, os seguintes valores:

[...]”O servizo postal en Galicia ten un interese público primordial, como unha peza básica para o desenvolvemento económico e tamén para a vertebración e a cohesión social.

Ese carácter de servizo público primordial fai que o conxunto da poboación, independentemente do lugar en que viva, debe garantir o acceso a unhas comunicacións postais alcanzables, baixo o principio de igualdade de trato establecido pola normativa vixente.

Calquera proposta de modificación do sistema público postal debe ter moi presente o carácter universal en a prestación de este servizo e a súa accesibilidade en condicións de equilibrio e igualdade no conxunto do territorio.” [...]

2. Os Concellos de Boqueixón e Vedra, ambos a escasos dez quilómetros da capital, teñen características demográficas comúns: Entorno rural, inexistencia de núcleos urbanos, forte avellentamento da poboación e dispersión, constituíndose como o principal problema o despoboamento, desta maneira calquera pequena alteración nos servizos esenciais incide na posibilidade de aceleración do despoboamento en curso, incidindo na desafección dos veciños e evitando o asentamento de foráneos.
3. A igualdade no acceso ás comunicacións é un dereito recollido en numerosos textos legais. A propia constitución Española obriga ao estado a garantir o acceso ás comunicacións a toda a poboación. Así o recolle tamén a Lei 43/2010 do servizo Postal Universal que ten á empresa **PUBLICA Correos SAE** como prestador designado. E así recollese tamén na Directiva 97/67/CE e na 2008/6/CE Do Parlamento Europeo, onde definen os **Servizos Postais como servizos de interese económico xeral**, e establece o sistema de garantías para a súa protección:

[...] O artigo 16 do Tratado destaca o lugar que os servizos de interese económico xeneral ocupan entre os valores comúns da Unión Europea, así como o seu papel na promoción da cohesión social e territorial. Establece, así mesmo, que debe velarse por que devanditos servizos actúen con arranxo a principios e condicións que lles permitan cumprir o seu labor. [...]

Así mesmo, esta directiva (*e a súa posterior modificación*), establecen como principio básico e de obrigado cumprimento o **reparto postal diario, cinco veces por semana, da correspondencia**.

4. Nos últimos anos observamos que as oficinas de Boqueixón e Vedra, contan con cada vez menos carteiros asignados (*cunha redución de efectivos e unha diminución alarmante durante os períodos de Verán, que en ocasións supoñen atencións ao público de menos de media hora diaria*), así como a paulatina retirada de competencias, de maneira que, por exemplo certos servizos que antes prestábanse nestas oficinas agora necesitamos desprazarnos a Compostela:
  - Non se admiten impresos sen dirección.
  - Xiros Postais.
  - Paquetería de mais de dous quilos (ate fai uns días nin básculas tiñan).
  - Paquetería polo sistema de paquete azul.Etc.
5. As oficinas de Vedra e Boqueixón, son cesións de locais públicos de ámbolos dous concellos, de maneira que non supoñen custo algún para á empresa **PUBLICA Correos SAE**.
6. Nos concellos de Boqueixón e Vedra enfrontámonos aos seguintes retos comúns:
  - Como consecuencia da diminución de persoal, amplíanse as Áreas de reparto, facendo na actualidade practicamente imposible un reparto diario do correo, incumprindo de facto, as Directivas Europeas, e o ordenamento legal.
  - Ao perder calidade no reparto rural, e ser Correos fedatario de documentos públicos (notificadores), pérdese un dos últimos vínculos que moitos veciños do rural teñen coa Administración Pública.
7. **Recentemente comunícasenos a determinación de Correos de eliminar o persoal asignado a ambas oficinas, mantendo unicamente un servizo de atención ao público reducido de mañá, trasladando aos traballadores a Compostela**, nembargante concellos con poboacións equivalentes ás dos nosos concellos (Cuntis), teñen horarios de atención ao público de aproximadamente catro horas e media, supoñendo en todo caso un agravio comparativo.

8. **Na actualidade Correos incumpre a obrigatoriedade de realizar un reparto diario, cinco veces por semana, da correspondencia.** *(tal e como obrigan as Directivas Europeas, e a lexislación)*, este incumprimento faise especialmente visible no Concello de Boqueixón, dende a última redución de persoal, ademais, o desprazamento de persoal á oficina de Santiago **suporá unha perda dunha hora e media de reparto por carteiro e día, de maneira que en conxunto o servizo de reparto de Vedra e Boqueixón experimentarán unha perda de dez horas e media no reparto diario**, o que empeorara substancialmente o servizo prestado.

Neste punto é imprescindible sinalar que na actualidade, **non existe ningunha Oficina Técnica, dende Silleda ate Compostela.**

Da mesma maneira é importante incidir en que **tanto Boqueixón como Vedra están situados no Camiño de Santiago**, en particular na Vía da Prata ou camiño de Inverno. Correos oferta un exitoso servizo de Mochilería que permite aos peregrinos, desprazarse de albergue en albergue sen portar a Mochila *(o transporte da mesma faino Correos)*, ben dende unha Oficina Técnica *(a mais próxima é a de Santiago, realizando a recollida e transporte cunha furgoneta)* ou mediante persoal especificamente contratado. En todo caso, o fomento da Vía da Prata, é unha aposta colectiva dos concellos que percorre, no caso particular de Boqueixón e Vedra pola proximidade a Compostela, a aposta é estrutural contando ambos con albergues de peregrinos que rexistran un incremento constante de ocupación ano tras ano. A consolidación e a mellora na efectividade do servizo de Mochilería de Correos constitúese nunha ferramenta fundamental para o desenvolvemento da oferta turística.

---

**Por todo o exposto, solicitamos o apoio do pleno para aprobar o seguinte acordo:**

1. Ofrecerlle a empresa **Pública de Correos SAE** as seguintes alternativas ao desprazamento cara a Compostela, do persoal asignado ás oficinas de Vedra e Boqueixón:
  - a. Solicitar o mantemento do persoal asignado ás oficinas de Boqueixón e de Vedra, cos mesmos horarios de atención ao público que manteñen na actualidade.
  - b. De considerar a empresa que non ha lugar ao mantemento do persoal asignado ás oficinas na actual modalidade, solicitar a unificación de ambas nunha localización intermedia nas proximidades da carreteira nacional, nun local cedido polo Concello afectado *(de maneira que o servizo cubrira un espectro de practicamente dez mil habitantes)*, coas seguintes condicións:

- **Asignar o mesmo número de traballadores que ten na actualidade Vedra, e recuperar o posto de traballo perdido en Boqueixón.**
- **Manter a atención ao público en horario de mañá en Vedra.** *(da mesma maneira que oferta Correos no caso de desprazar o persoal a Compostela)*
- **Que a nova oficina sexa unha “Oficina Técnica”,** en igualdade de condicións que noutros concellos con 6.000, 8.000 ou 9.000 veciños *(caso de Caldas de Reis, Silleda, Cruces ou Chantada).*

Desta maneira daríase servizo ás empresas asentadas no territorio *(canteiras, empresas da madeira no sector primario e secundario, empresas de elaboración de pensos etc.)*, os veciños recuperarían servizos paulatinamente detraídos ao longo destes últimos anos, e gañaremos novos servizos *(por exemplo, o pago de facturas non domiciliadas a Fenosa, pago de Multas de tráfico, servizos de paquetería azul ou ordinaria, o envío de Buro-fax, etc.)*. Unha Oficina técnica compartida permitirá tamén dar un servizo efectivo aos peregrinos, potenciando A vía da Prata.

En resumo, o establecemento dunha Oficina Técnica nun punto intermedio entre Silleda e Compostela, redunda na calidade do sistema.

2. Facer pública a aprobación da presente moción en medios de comunicación, e publicacións propias dos concellos.
3. Solicítase igualmente, a defensa da presente moción por parte dos nosos Alcaldes, Sr. Carlos Martínez Carrillo, e o Sr Manuel Fernández Munín perante o actual **Xefe da Zoa 1 de Correos** *(que dispón de oficina en Compostela)* S.r **Ángel Pérez Pérez**

## **ANEXO I**

Copia da **“Declaración institucional sobre a defensa do Reparto Postal nas áreas rurais na Provincia de A Coruña”** aprobada por unanimidade na Deputación de A Coruña o 29 de Xullo de 2016